

四庫全書

史部

欽定四庫全書

史部

欽定大清通禮卷二十七

詳校官宗人府府丞臣寶光龍

編修臣程嘉謨覆勘

總校官檢討臣何思鈞

校對官學正臣翁樹棠

謄錄監生臣黃臣鵠

欽定四庫全書

欽定大清通禮卷二十一

嘉禮

尊封

皇祖妃嬪

皇考妃嬪之禮

制下禮部詠吉以

聞豫期製

寶工部製

冊

寶

皇貴太妃
太妃

冊

印

貴太妃

太嬪

冊

冊

均送內閣

鐫文行禮如儀

尊崇儀

詳見

右諏日具冊寶

屆期前一日遣官各一人祇告

太廟後殿

奉先殿如常儀

右祇告

至日內監設仗

均儀仗
皇貴太妃
太妃以下采仗
於

太
嬪妃

宮門外接冊寶內監蒞於門左右鑾儀衛備采亭

於內閣門外五鼓禮部尚書一人朝服詣內閣內

閣禮部官奉

冊寶印於亭內鑾儀校舁行冊亭前寶印亭後導以繖

仗禮部司官十人前引大學士一人暨禮部尚書

後隨恭送至

太
嬪妃

宮門外授內監內監奉

冊寶印入獻

太妃太嬪內監出告禮成大學士尚書各退

右遣官尊封

若尊加

太妃封號

皇帝親詣行禮內監設

太妃座於宮內稍東西南向

如同日並封
妃座西南東

南向僉設
妃座東西旁設

太禮部鴻臚寺官設案於宮門正

中東西肆又設案於門東南北肆武備院官設

皇帝拜位於中案前北向辨執事官位奉冊寶大學士

二人

同日並封奉冊寶
兼用內閣學士

位東案之東西面宣讀官

二人

同日並封各用
宣讀官一人

位西檐下侍儀御史二人禮

部官二人位西階下均東面鴻臚寺鳴贊二人位

東西柱前東西面漏未盡鑾儀衛陳

法駕鹵簿於

太和殿前如常儀設采亭於內閣門外禮部侍郎內

閣學士奉

金冊

金寶及宣讀

冊文

寶印文於亭內鑾儀校舁行禮部官前引如儀由中路
降升至

太和殿內

冊亭左肆

寶印亭右肆稍僉向

如同日並封依位次為左右僉設
旁設各從其宜皆
冊亭在上

亭在寶印下 禮部尚書侍郎詣

乾清門奏時

皇帝禮服乘輿出宮前引後扈如常儀至

太和殿北階降輿

御殿閱

冊寶印畢鑾儀校舁亭出

皇帝乘輿導引扈衛如初詣

太妃宮至宮門階下亭止禮部侍郎內閣學士奉

金冊

金寶由中階升設於中案退大學士二人奉宣讀

冊文

寶印文升中階設於東案就立案東執事官咸入侍立

駕至宮門中階下降輿禮部尚書侍郎恭導

以下行禮
皆恭導

陞中階立於門左西向內監轉啟

太妃

太妃禮服出陞座

皇帝就正中拜位北向立大學士進至中案左鳴贊奏

進

冊大學士跪進

冊文

皇帝立受拱舉仍授大學士大學士興陳於中案贊進
寶印亦如之大學士皆退自東階降鳴贊贊宣

冊宣讀官北面跪啟函奉

冊宣讀訖納於函贊宣

寶印儀同興皆退自西階降內監舉

冊寶印案進設

太妃座前退鳴贊奏跪拜興

皇帝行二跪六拜禮

太妃起避立座旁

太妃降座還內宮禮部尚書奏禮成

皇帝降中階乘輿還宮執事官皆退

右親進冊寶

--	--	--	--	--	--	--	--

欽定四庫全書

欽定大清通禮
卷二十一

三

欽定大清通禮卷二十一

欽定四庫全書

欽定大清通禮卷二十二

嘉禮

皇帝大昏之禮

制下禮部徧布諸司供備諏納采大徵奉迎吉日以

聞會工部製金

冊金

寶翰林院撰

制冊文進呈

欽定送內閣恭鐫如儀

冊后儀

詳納采之禮內務府官備

文馬十

具鞍轡

甲冑十幣百布二百以竣將屆期禮

部奏請

命尚書一人充納采使內務府總管一人充副使屆日

黎明禮部鴻臚寺官設節案一於

太和殿內正中東西肆內閣官自內閣奉

節陳於案退內務府官以龍亭分載甲冑布帛陳於丹

陸上左右陳文馬於丹陛下左右黎明正副使入
祇候於丹墀東鴻臚寺序班二人立使者之右少
後授節大學士一人立殿東檐下宣制鴻臚寺官
一人立大學士之右少後均朝服西面鳴贊二人
朝服分立殿外東西柱前東西面欽天監官報吉
時屆鳴贊贊齊班序班引使者就丹墀東班拜位
立北面西上贊進少進贊跪叩興行三跪九叩禮
興序班引使者升東階至丹陛北面立鳴贊贊有

制使者跪宣制官進至

殿中門之左西面宣

制曰

皇帝欽奉

皇太后懿旨納某女某氏為后命卿等持節以禮納采宣

畢大學士進

殿左門詣案奉

節由中門闌左出至丹陛以授正使正使受

節偕副使興前行降中階左內務府官率校尉舁禮物
龍亭隨降衛士牽文馬從御仗前導由

太和中門出詣

皇后邸第

右傳制遣使納采

是日后父飭子弟潔掃邸第有司豫設案於廳事
正中一東西肆左右各一南北肆使者持

節至邸將及門下馬后父朝服出迎於大門外道左跪

候過興使者入中門升中階登堂陳

節中案偕副使退就案東西面立龍亭隨入至儀門外
止內務府官奉甲冑布帛入登堂陳於左右各案
衛士以馬入陳於庭左右訖后父升自西階詣中
門外北面跪使者少進西面傳

旨納采復位后父聽

制行三跪九叩禮興受諸禮物使者詣案奉

節出副使從后父跪送於大門外如初內務府官皆出

使者乘馬復

命還

節有司

右使者傳制納采

納采禮成有司詣

皇后即設燕

皇帝特命公主大臣命婦燕后母於內

命內大臣侍衛八旗公侯以下滿漢二品以上官燕后

父於外外燕朝服后父為賓席東上內燕常服后
母為賓席西上序坐行酒三巡如常燕儀

右納采筵燕

次行大徵禮所司備黃金二百兩白金萬兩黃金

茶器一白金茶器二盃二幣千文馬二十

具鞍轡

閑

馬二十馱甲二十備

賜后父后母黃金百兩茶器一白金五千兩茶器一盃

一帛五百布千馬六

具鞍轡

甲冑一弓一韞矢一服

朝服各二襲衣各二稱皆冬一夏一貂裘各一帶
一備

賜后兄弟及從人服物有差屆日有司陳大徵禮物於
丹陛上陳

賜物於丹陛下禮部奏請

命使傳

制授

節於

太和殿儀如納采使者承

制持

節詣

皇后邸執事官陳禮物於堂陳

賜物於階上陳馱馬於庭中使者傳

制后父聽

制行禮儀注均與納采同傳

制訖后父降階率子弟詣庭東向

節行三跪九叩禮豫往大門外祇候后母率諸婦出詣庭西向

節行六肅三跪三叩禮畢退使者持

節出后父以下跪送使者復

命還

節退

右大徵

及大昏前一日遣官各一人祇告

天

地

太廟

奉先殿如常儀

右祇告

屈日行

冊迎禮禮部奏請

命大學士一人充

冊迎使尚書一人副之所司豫疏列內外執事官奏請
命內大臣十人侍衛十人充護從官

命二品以上命婦四人充前導七人充後扈十人充恭
侍其日內鑾儀衛設

皇太后儀駕鹵簿樂懸於

慈寧宮常次如儀禮部鴻臚寺官設節案冊寶案於
太和殿內設龍亭於內閣門外鑾儀衛陳

法駕鹵簿樂部和聲署陳樂懸各依常次如式又陳

中宮車輅於

太和門階下陳

儀駕鹵簿於

午門外內務府官陳冠服於車輅之南黎明內閣禮

部官自閣奉

金冊

金寶及宣讀

冊文

寶文分設龍亭內禮部侍郎奉

節同詣

太和殿恭陳各案王公文武百官記注糾儀執事各
官朝服陪位冊迎使序立於丹墀東扈從內大臣
侍衛在其後均朝服授節大學士宣制鴻臚寺官
舉冊寶案內閣禮部官朝服序立於

殿檐下並如

冊后遣使之儀欽天監官報吉時屆禮部尚書侍郎詣

乾清門奏時遂前導

駕

皇帝禮服乘輿出宮前引後扈如常儀出

隆宗門至

永康左門降輿入立於

慈寧門外東位西向內監轉奏

皇太后陞

慈寧宮寶座禮部尚書侍郎恭導

皇帝就正中拜位北向行三跪九拜禮畢

皇太后還宮

皇帝自永康左門乘輿仍入

隆宗門由

保和殿北門出

御太和殿

午門鳴鐘鼓作樂鳴鞭序班引正副使就拜位行禮

畢升東階北面跪宣制官宣

制詞曰

皇帝欽奉

皇太后懿旨納某氏為皇后茲當吉月令辰備物典冊命

卿等以禮奉迎宣畢大學士授

節於正使偕副使興執事官舉

冊寶案隨降中階設龍亭內以次出

太和門

皇帝還宮鳴鞭作樂並如

冊后遣使之儀冊迎使出扈從內大臣侍衛從出至

太和門外冊迎使持

節在前次

冊寶亭次

中宮女輅冠服

儀駕鹵簿遂行詣

皇后邸

右臨軒遣使冊迎

是日步軍統領飭所部清蹕除道自

大清門至於后邸宮殿監督領侍率內監備

交泰殿內外鋪陳恭侍命婦朝服豫詣

殿外祇候導從命婦贊引侍儀宣讀女官朝服及給
事后邸內監彩服均詣

皇后邸祇候有司設節案一於邸第內堂正中南設香
案均東西肆設冊寶案於東西各一均南北肆設
皇后拜位於香案前北向宣讀女官二人立東案之南

西面侍儀女官四人立拜位左右東西面內監於外堂階下承應使者持

節至邸下馬后父率子弟朝服出迎於大門外如前儀使者入升中階立於外堂之東副使在其左均西面

冊寶亭隨入權設於外堂左右內務府官奉冠服授內監齋入轉授女官以進

皇后內鑾儀校陳鳳輿於階上正中陳車輅

儀駕鹵簿於階下左右至大門內樂部和聲署陳導迎
樂於大門左右后父升自西階詣外堂中門外正
中北面跪使者西面傳

制冊復位后父聽

制行三跪九叩禮興退至階西內監入轉奏

皇后御禮服贊引女官恭導出閣門外道右踈后母及

諸婦朝服詣外堂門內道右正使授

節於內監副使自龍亭奉

冊寶以授內監均奉自中門入后母以下跪候過興

皇后立候過隨入內監奉

節

冊寶陳於各案退贊引女官引

皇后就拜位跪宣讀女官次第宣

冊

寶

皇后受

冊受

寶行禮均如宮中

冊立儀內監奉

節出授使者

皇后及母祇送如初贊引導

皇后入閣少憩女官奉

冊寶仍授內監分設於龍亭

右受冊寶

冊禮既成欽天監官報陞輿吉時屆內鑾儀校進鳳輿
於內堂階下正中南向前導命婦恭導

皇后出閣後扈命婦翼擁降階后母率諸婦送至輿前
皇后陞禮輿后母及諸婦少退冊迎使持

節出乘馬先行后父跪送如初輿少退次導迎樂陳而作
次

儀駕鹵簿車輅次

冊寶亭次

皇后鳳輿啟行出大門命婦乘騎導從內監步行左右扶輿內大臣侍衛在後乘騎護從由

大清門中門入至金水橋冊迎使下馬持

節入

皇后輿至午門外鳴鐘鼓

儀駕鹵簿至九鳳曲蓋前導執事命婦下馬步行導從

內大臣侍衛於金水橋步從由

午門

太和門中門入

中左門

後左門至

乾清門龍亭止冊迎使復

命還

節偕內大臣侍衛各退內監奉

冊寶於亭前行恭導命婦導

鳳輿入

乾清中門至

乾清宮階下轉啟

皇后降輿詣

交泰殿導從命婦退恭侍命婦祇迎

皇后入中宮內監奉

冊寶授守寶內監退合卷吉時屆宮中設合卷燕監督

領侍具奏

皇帝禮服御中宮行合卷禮給事宮人恭侍命婦皆退

右合卷

翼日尚膳潔具

皇后盥饋

皇太后御席又具

皇太后醴饗

皇后御席內監侍豫設朝見拜位於

慈寧宮內正中北向又設醴位於東西南向質明

皇太后儀駕鹵簿樂懸陳設如常儀內監轉啟

皇后行朝見禮

皇后禮服出中宮乘輿導從如儀

詳見三
大節 詣

慈寧宮降輿引入丹陛上西位東向立內監轉奏

皇太后禮服出內宮中和韶樂作

陞座樂止贊引命婦引

皇后詣正中拜位行六肅三跪三拜禮興少退立尚食

進席於

皇太后前

皇太后舉酒嘗食贊引命婦引

皇后復行二肅一跪一拜禮興引詣醴位坐尚食進席
於

皇后前

皇后舉酒嘗食畢興內監侍徹贊引引詣拜位行禮如
初少退西向立

皇太后降座作樂還宮贊引引

皇后出乘輿還中宮執事命婦皆退

右朝見

越日

皇帝率羣臣詣

皇太后宮行禮乃

御太和殿王公百官上表稱賀

頒詔宣示天下直省文武官各進表箋稱賀

皇后詣

皇太后宮行禮詣

皇帝前行禮公主福晉命婦詣

皇后宫行禮均如

冊后之儀午刻樂部和聲署陳樂懸於

太和殿常次尚膳供

御膳羞光祿寺備燕席

皇帝御太和殿

賜后父及其族屬燕王公百官咸與后父布席於

殿內王公之末其族屬按翼於本旗序品列坐

駕陞寶座時王公以下陪位如常后父率其族屬詣丹
墀東北面行三跪九叩禮畢均引入班就位坐陳
席奏樂行酒如

太和殿筵燕儀

皇太后御慈寧宮

賜后母及其親屬燕公主福晉夫人大臣命婦咸與內
監陳樂懸內務府官供饌具后母布席於夫人之
末其親屬按品布席於命婦之位

皇太后陞寶座時公主以下陪位后母率其親屬詣丹墀
東北面行六肅三跪三拜禮畢均引就位坐陳席
奏樂行酒如

慈寧宮筵燕儀

右禮成慶賀筵燕

欽定大清通禮卷二十二

欽定四庫全書

欽定大清通禮卷二十三

嘉禮

皇子昏禮內務府豫劄欽天監諏指昏吉日並列大
臣命婦中偕老者奏襄昏事既得

旨以告於福晉家屆期贊禮大臣偕福晉父蟒袍補服
詣

乾清門東階下福晉父北面跪贊事大臣西面稱有

卷二十三
旨今以某氏女作配於皇子某為福晉福晉父承
旨訖行三跪九叩禮興退

右指昏

廼誦吉納幣內務府備黃金項環一釵六珥六均
以珠飾釧四黃金衣鈕百白金衣鈕二百黑貂皮
三貂皮百有四十狐皮二百有五十黑獺皮七采
幣表裏各百棉三百斤

賜福晉父母黃金十兩白金七百兩貂冠狐裘佩帶刀

悅韉襪具馬二匹鞍轡具屆日內務府官以采亭
載諸禮物如福晉家福晉父朝服迎於大門外內
務府官入陳幣於堂陳馬於庭陳

賜物於階上以納幣告福晉父祇受訖率其子弟序立
庭東福晉毋率諸婦出序立庭西望

闕行三跪九叩禮內務府官退福晉父送於大門如
初迎禮

右納幣

是日所司備伶樂一部燕席五十羊三十有六詣
福晉家設內外筵燕外燕於廳事東西布席相向
北上福晉親族職官及不入直之公侯伯內大臣
侍衛一二品官朝服畢會午刻鴻臚寺官引入升
堂福晉親族及本旗大臣侍衛東位西面各旗公
侯伯等官西位東面就席一叩序坐司茶奉茶衆
受茶飲茶皆一叩司筵奉果食酌酒伶工入奏衆
獻酬樂闋興出司筵徹果食衆易蟒袍補服仍入

就位司筵奉饌酌酒奏樂獻酬交錯如初樂闋興
鴻臚寺官引衆官詣堂下望

闕北面序列聽贊行三跪九叩禮興退內燕於中堂
福晉親屬諸婦及一二品命婦咸會內務府管領
妻量人給事行酒如外堂燕儀

右納幣燕會

及昏前一日福晉家豫以粧奩送

皇子宫鋪陳屆日質明

皇子蟒袍補服詣

皇太后

皇帝

皇后前行禮若

妃嬪所出並於

妃嬪前行禮各如儀內務府選隨從女官八人豫詣

福晉家閣前祇候贊事命婦豫詣

皇子宮內別室祇候自

宮門至於福晉家步軍統領飭屬灑掃清道鑾儀衛
備儀仗采輿內務府總管一人官屬二千人蟒袍
補服護軍四十人偕如福晉家奉迎及大門主人
揖入如納幣禮升輿吉時屆內鑾儀校奉采輿陳
於中堂福晉禮服出閣隨從女官翊升輿母送於
閣門外姑姊妹戚屬送於輿前俟下簾退父率子
弟送於門俟過退內校舁采輿行鐙八炬十前導
女官隨從出大門乘馬前列儀仗內務府總管率

屬及護軍前後導護行至

紫禁城門外衆下馬步入及儀仗止於宮外女官隨采輿入至

皇子殿前降輿女官恭導福晉出輿引入宮合盞吉時屆贊事命婦上合盞酒設燕

皇子與福晉行合盞禮執事者皆退是日於

皇子宫近處張幕結采燕福晉父母戚屬羣官如納

幣之儀

右奉迎合卷

昏禮既成翼日

皇子及福晉夙興朝服內務府管領妻二人導詣

皇太后

皇帝

皇后前行朝見禮

皇子三跪九叩福晉六肅三跪三叩次詣所出

妃嬪前行禮

皇子二跪六叩福晉四肅二跪二叩各如儀退

右朝見

公主下嫁之禮內務府豫割欽天監諏指昏吉日
並列大臣命婦中偕老者奏襄昏事既得

旨禮部以告於額駙家居期贊事大臣偕額駙蟒袍補
服詣

乾清門東階下額駙北面跪贊事大臣西面稱有

旨今以某公主擇配某人額駙祇受

命行三跪九叩禮興退

右指昏

初定諏日額駙家備駝一馬八羊八十有一酒九十尊屆期詣

午門前恭進得

旨分納所司是日光祿寺官備筵燕武備院官張黃幔於

中和殿北階下內務府官陳金器反坫禮部理藩院

尚書侍郎內務府總管光祿寺卿同視布席設

御筵於

保和殿

寶座前正中

殿內東西布席各五行前引大臣一行內外親王世

子固倫額駙二行郡王貝勒貝子公和碩額駙三

行內大臣一等台吉四行都統副都統二等台吉

五行相向北上

寶座後東西為豹尾班侍衛席又西為記注官席均南

向

殿門外檐下東為侍衛席西為三等台吉席禮部尚

書侍郎席黃幔左內務府總管席黃幔右均東西
向樂部陳中和韶樂於

保和殿檐下陳丹陛樂於

中和殿後階均北向午刻

欽命入燕之王大臣侍衛及執事各官蟒袍補服畢會

保和殿前按翼序立理藩院尚書侍郎率額駙父額駙及其族人朝服詣

慈寧宮門外鴻臚寺官引至東階下北面行三跪九叩

禮畢引詣

保和殿前入班序列禮部尚書侍郎赴

乾清門奏時

皇帝袞衣龍袍乘輿出宮前引後扈如常儀

御保和殿

陞座鴻臚寺官引額駙父等出班北面聽贊行三跪九叩禮興王公以下就位額駙父等均引入班就位跪叩坐

賜茶畢進爵大臣進

皇帝酒跪叩如

太和殿燕禮額駙父等出

殿外北面隨跪叩興復位徧爵作樂升歌行酒儀注均與

太和殿燕禮同燕畢引額駙父等詣丹陛拜位行禮
如初

皇帝還宮衆退理藩院尚書侍郎鴻臚寺官引額駙父
等至

乾清門西階下序列行三跪九叩禮退是日內監設
中和韶樂及丹陛樂於

慈寧宮常次如儀尚膳女官設

皇太后筵於

寶座前南向設

皇后筵於東西南向又以次設

皇貴妃

貴妃

妃

嬪席於東西少後僉向額駙母及其族中諸婦設席
於嬪席之下少南西位東面進爵命婦侍衛命婦
設席於丹陛下東位西面午刻

皇后率

妃

嬪詣

慈寧宮

皇太后陞寶座筵燕

賜茶進觴徧爵作樂升歌行酒額駙母及諸婦行禮各

如儀既畢

皇太后還宮

皇后

妃

嬪皆還內宮內監引額駙母及諸婦詣

皇后宮行六肅三跪三叩禮退

右初定燕會

下嫁前一日額駙蟒袍補服率族人詣

皇太后

皇帝

皇后宮門前行三跪九叩禮各如儀內務府官率鑾儀
校以公主粧奩詣額駙邸第內管領命婦二人偕
女侍隨往鋪陳至日黎明額駙家備九九禮物文
馬十有八鞍轡具馱甲十有八馬二十有一駝六
羊八十有一酒九十尊詣

午門恭納午刻筵燕於

保和殿

慈寧宮如初定禮是日所司豫奏請王福晉貝勒貝子

夫人中結髮偕老者

欽命陪送內務府大臣命婦二人內管領命婦十人充導從皆盛服於宮門外別室祇候贊事命婦豫詣額駙邸別室祇候自公主所出宮門至額駙邸步軍統領飭屬灑掃清道鑾儀衛備儀仗采輿內務府總管一人官屬四人內管領二人護軍叅領二人護軍校二人蟒袍補服偕護軍二十人於所出宮門前祇候升輿吉時屆公主吉服詣

皇太后

皇帝

皇后前行禮若

妃嬪所出並於

妃嬪前行禮各如儀畢命婦翊升輿下簾內校舁輿
行出宮儀仗前列銮八炬十前導陪送福晉夫人
及隨從命婦乘輿隨行內務府總管內管領乘騎
稍遠導從叅領及護軍乘騎護行詣額駙邸第及

門衆下馬步入儀仗止及儀門各官止輿入至廳
事正中降輿命婦階下降輿升堂導公主出輿福
晉夫人降輿隨公主入室額駙及禮賓於外堂額
駙母禮女賓於中堂徧饗諸執事者各如禮合卺
吉時屈贊事命婦上合卺酒設燕額駙與公主行
合卺禮衆退

右于歸合卺

下嫁禮成翼日行朝

謝禮公主額駙夙興朝服公主詣

皇太后

皇帝

皇后及所出

妃嬪前行禮額駙詣

慈寧門外東階下

乾清門外

內右門外行禮各如儀畢還邸第

右朝謝

親王昏禮

為未分家
之子娶同

將及冠訪朝臣女或外藩王

女年齒相當者奏

聞請

旨

命下以次行禮如奉

旨賜昏者是日王朝服詣

太和殿前謝

恩如儀初定王府備燕五十席酒五十尊若聘外藩女
用鞍馬甲冑白金器七九牲五九使官屬之長齋
如女家昏家禮請親王以下輔國公以上公主福
晉以下郡君貝子夫人以上禮部轉傳公侯伯以
下侍郎男以上畢會燕男布席於外堂女布席於
內堂獻酬行酒如

皇子初定燕儀

右定昏

次行納幣禮王府備黃金項飾一金珥一具金釵
大小各三指環十均綴以珍珠采繒衣裳九襲衾
褥七具黃金二十兩白金千兩給女父母朝衣一
冠帶鞞具采衣裳各一金珥一具鞍馬二若聘外
藩親王女用鞍馬十有二甲胄十有二閑甲二十
有四繒六十布六百白金器三具聘郡王貝勒台
吉女白金器同鞍馬甲胄各減二閑甲減四繒減
十布減百餘物與上同王府官公服齋詣福晉家

主人公服迎入使者陳禮物於堂有馬則陳於庭以納幣告主人拜受使左右徹之送使者如禮

右納幣

昏前一日女家豫以粧奩送王府鋪陳至日王禮服俟於次使其長史率官屬備儀仗禮輿如福晉家迎升輿吉時屆納禮輿於中堂福晉禮服出閤送女者翊升輿毋送於閤門外姑姊妹戚屬送於輿前父送於外堂子弟送於門外鐙炬前輿送女

者升車從詣王府由中門入及堂前降輿王出次
俟於堂送女者導福晉出輿王揖先入福晉從入
室行合巹禮其日王府設燕席六十酒六十尊聘
外藩女用牲五九親王以下侍郎男以上公主福
晉以下郡君貝子夫人以上咸會如定昏燕禮饋
贈外藩王貝勒台吉及福晉夫人等送女來者冬
夏衣各一襲貂裘一帶一弓一韃矢一服甲冑各
一鞍馬二采繒三十布二百白金器三具女之兄

弟時衣一襲給隨從男婦三十人衣服有差

右成昏

若奉

旨賜昏者成昏之明日王及福晉夙興朝服詣

大內謝

恩行禮如

皇子昏儀

右謝恩

世子郡王昏禮納幣用指環八采繒衣裳八襲衾褥六具黃金十兩白金七百兩初燕席四十酒四十尊昏燕席五十酒五十尊餘物準親王若聘外藩親王女鞍馬甲冑繒帛白金器如親王聘外藩郡王女之數昏禮既成饋贈外藩親王郡王及福晉送女來者並女之兄弟及隨從男婦衣物均準親王外藩貝勒台吉及夫人送女來者給采繒二十有五布百有五十白金器二具餘準親王給隨

從男婦二十有五人衣服有差凡昏儀與親王同

右世子郡王昏

長子貝勒昏禮納幣用指環六采繒衣裳七襲衾
褥五具黃金五兩白金五百兩給女父母繒衣不
綴采鞍馬一閑馬一餘物視郡王初燕席三十酒
三十尊昏燕席四十酒四十尊郡王以下尚書子
爵以上郡主郡王福晉以下郡君貝子夫人以上
咸會燕儀同郡王若聘外藩女定昏用鞍馬甲冑

繒布白金器五九筵燕用牲三九納幣用鞍馬八
甲冑各八閑甲十有六繒四十布四百白金器二
具昏燕用牲五九昏禮既成饋贈外藩親王郡王
及福晉送女來者並女之兄弟及隨從男婦衣服
均準郡王貝勒台吉夫人送女來者給采繒繒合
二十有五布百有五十白金器二具餘準郡王隨
從男婦二十人給衣服有差凡昏儀與郡王同

右長子貝勒昏

貝子昏禮納幣用指環四釵大小各二衣裳六襲
不綴金珠衾褥四具白金四百兩給女父母視貝
勒減閑馬一餘衣物數同初燕昏燕席酒各減十
貝勒以下公以上暨本旗官屬郡君貝勒夫人以
下縣君輔國公夫人以上咸會燕儀同貝勒若聘
外藩女定昏鞍馬甲冑繒布白金器三九筵燕用
牲二九納幣鞍馬六甲冑各六閑甲十有二繒三
十布三百白金器二具昏燕用牲三九饋贈親王

郡王及福晉送女來者女之兄弟及隨從男婦衣物均準貝勒貝勒台吉夫人送女來者給采繒繒合十有五布七十白金器一具餘準貝勒隨從男婦十有五人給衣服有差凡昏儀與貝勒同

右貝子昏

宗室公昏禮鎮國公納幣用衣裳五襲白金三百初燕十有八席昏燕二十有八席酒如席數貝子以下奉國將軍以上貝子夫人以下奉國將軍淑

人以上及本府官屬會燕餘並同貝子若聘外藩
女定昏鞍馬甲冑繒布白金器二九筵燕用牲數
如之納幣鞍馬五甲冑各五閑甲十繒二十有五
布二百五十白金器二具昏燕用牲三九饋贈送
女來者衣物準貝子輔國公納幣衣裳減一襲衾
褥減一具無白金初燕昏燕席各減二酒如之貝
子貝子夫人不會燕餘儀物與鎮國公同若聘外
藩女定昏行一九禮初燕用牲二九納幣甲冑各

減一閑甲減二繒減五布減五十白金器二具昏
燕用牲三九饋贈送女來者衣物準鎮國公凡昏
儀均與貝子同

右宗室公昏

宗室將軍昏禮鎮國將軍納幣用衣裳繒三襲布
一襲衾褥繒二具布一具金項飾一釵二珥二初
燕用牲六昏燕席十有五餘儀與輔國公同輔國
將軍納幣衣裳衾褥各減繒一初燕減牲一昏燕

減五席奉國將軍納幣禮物如輔國公初燕復減一牲昏燕減二席餘如鎮國將軍之禮儀同

右宗室將軍昏

閑散宗室昏禮納幣數如奉國將軍減金釵二初燕牲二昏燕六席閑散覺羅昏燕五席餘同宗室昏儀均與奉國將軍同

右閑散宗室覺羅昏

郡主于歸之禮將及筭訪外藩蒙古王子年齒相

當者奏

聞請

旨

命下以次行禮若奉

旨賜昏者額駙先詣

乾清門謝

恩如公主指昏之儀初定額駙家備燕五十席酒五十

尊若外藩王貝勒台吉等尚郡主用駝馬羊七九

牲五九遣人納於王府王受之其日會燕如納福
晉初定燕儀

右定昏

次行納幣禮額駙家備鞍馬七甲冑七若外藩王
等之子用馬六十牛六十羊六百遣人齎詣以獻
於王王納之如定昏禮

右納幣

昏前一日王使人以粧奩張陳額駙室至日額駙

朝服祇俟邸第王使其官屬備儀仗禮輿送郡主
于歸升輿吉時屆郡主禮服侍女引出閤詣王前
辭次詣福晉前辭均行四肅二跪二叩禮執事官
進輿於中堂侍者引郡主升輿王府護衛官前導
銮炬前輿侍婢八人男婦五戶媵如額駙邸第額
駙出迎於門外輿至導入至內堂降輿媵導郡主
出輿額駙偕入室行合卺禮其日額駙第設昏燕
如親王納福晉之儀

右成昏

若奉

旨賜昏者成昏之明日額駙偕郡主夙興朝服詣

大內謝

恩行禮如親王納福晉儀

右謝恩

縣主于歸之禮納幣視郡主鞍馬甲冑各減二初
燕昏燕儀準郡王若嫁於外藩王貝勒台吉等納

幣視郡主馬減十牛減十羊減百媵婢七人男婦
四戶餘同

右縣主出嫁

郡君于歸之禮納幣鞍馬四甲胄四初燕昏燕準
貝勒若嫁於外藩定昏行七九禮初燕用牲三九
納幣馬四十牛四十羊四百昏燕用牲五九媵婢
六人男婦四戶縣君納幣鞍馬甲胄各三初燕昏
燕準貝子若嫁於外藩定昏行七九禮初燕用牲

二九納幣馬三十牛三十羊三百昏燕用牲三九
媵婢五人男婦三戶鄉君納幣鞍馬甲冑各二初
燕昏燕準宗室公若嫁於外藩定昏行七九禮納
幣馬二十有五牛如之羊二百五十初燕昏燕用
牲如縣君媵鎮國公女婢四人輔國公女婢三人
男婦皆二戶凡昏儀均與郡主同

右郡君縣君鄉君出嫁

欽定大清通禮卷二十三

欽定四庫全書

欽定大清通禮卷二十四

嘉禮

官員

七品以上

自昏及為子孫主昏豫訪門第清白女

年齒相當者使媒氏往通言俟許男年十六以上
女年十四以上身及主昏者無暮以上服皆可行

下士庶人同

右議昏

納采諏日主人具書

書辭隨宜
後做此

請女為誰氏出並

問生年月日別具昏者生年月日附於書使媒氏
豫告女家屆日夙興以子弟一人為介公服侍於
廳事主人公服奉書出西面授介再拜介避拜受
書出如女家其日女氏主人設案於廟灑掃廳事
待賓亦使子弟一人為擯公服以俟賓至擯告主
人如賓服出迎於門外揖入升堂賓左主人右入
堂少選賓東面奉書致詞從者陳禮物於庭主人

北面再拜受書賓避拜請退俟命擯揖賓歛於別
室主人以書入詣廟陳於案上啟櫝告事如常告
儀乃具復書具女所出及生年月日附於書擯延
賓升堂主人奉書出西面授賓再拜賓受書避拜
授從者請退主人請醴賓賓禮辭許饌者布席於
中堂賓東主西揖讓就位進饌行酒三巡賓興離
席告退揖主人答揖送賓於門外如初介還復命
主人納書如授書儀醴介以家人之禮

右納采

納幣諏日具書備禮物一品章服一稱章如其品

幣表裏各七兩

以製衣服

繒帛七兩

以製衿襖

布七兩容飾

合二十事

釵釧簪珥之屬

二品至四品幣表裏各五兩繒

帛五兩布五兩容飾合十有六事餘同一品五品

至七品幣表裏各三兩繒帛三兩容飾合十有二

事餘同四品媒氏豫告女家居日夙興主人遣使

奉書及禮物如女家女氏主人受書及禮物告廟

具復書授賓醴賓還復命主人禮介並同納采

右納幣

昏期諏吉具書備禮物三品以上羊酒四品以下
鵝酒豫日主人遣使如女家女氏主人迎賓入賓
致詞請期主人辭遜賓乃奉書告期主人拜受具
復書授賓賓還復於主人皆如納幣儀

右請期

昏期前一日女家使人奉箕帚於壻室陳衾帷茵

褥器用具至日壻家筵於室中位東西列別設案

於牖下陳壺一琖四合

剖乾為二合四琖以備三酌之用

設醺

爵於堂下之東壺琖具初昏壻公服筵於堂下有

官者各以其服若其子孫則攝盛三品以上攝五

品服五品以上攝七品服六品以下攝八品服儀

從亦如之壻馬一乘二燭前馬婦輿一乘

或車隨宜檐

蓋飾采絹垂流蘇五品以上前後左右各二六品

以下前二後二均筵於門外主人公服出醺子若

主昏則以有服
尊長醮後仿此
位於堂東西面昏者升自西階再

拜執事者升授爵昏者跪受卒爵反於執事者父
命之迎應唯俯伏興降出乘馬執事者隨以雁儀
從在前婦輿在後如女家其日女父告於廟詞曰
某之第幾女某將以今日歸某氏敢告餘如常告
儀還醮女於內堂父東母西姆相女具服加飾服
視壻之等出至父母前北面再拜侍者斟酒醴女
如父醮子儀父訓女以宜家之道母為之整冠裾

申以父命女識之不唯壻既至主人迎於門外揖讓入壻執雁從入至廳事主人東階上西面壻西階上北面立奠雁再拜主人不答拜姆為女加景蓋首出壻揖降女從主人不降送姆導女升輿二燭前輿壻乘馬先俟於門婦至降輿壻導升西階入室踰闕媵婦家送者布壻席於東御壻家迎者布婦席於西壻婦交拜訖姆脫婦景媵御設匕箸醯醬壻揖婦就筵坐饌入卒食媵取琖實酒醕壻御取琖實

酒醑婦三酌用卷卒醑壻出媵御施衾枕壻入燭
出

右親迎

厥明婦夙興盥漱櫛總以棗栗服修詣舅姑室姆
入設席於堂中為位舅東姑西均南向舅姑即席
婦執筭實棗栗升自西階北面拜奠於席舅坐撫
之婦興降階執筭實服修升拜奠席姑坐撫之舅
姑興入於室

右婦見舅姑

婦具酒饌設匕箸醯醬行盥饋禮舅姑就坐婦奉饌入獻舅姑視卒食乃酌酒醕舅姑送酒皆再拜舅姑卒飲興乃共饗婦侍者布婦席於阼階上西向具酒饌設匕箸醯醢舅姑於堂中臨之婦卒食姑醕之婦拜受卒飲舅姑先降自西階婦降自阼階退饗婦送者男於外女於內酬以布帛

右婦盥饋舅姑饗婦

三日婦見於廟廡明執事者設饌具主人啟櫝陳
主如常祭禮主人布席階下之東昏者在後主婦
布席階下之西婦在後各就位再拜主人升上香
獻酒讀告詞曰某之第幾子某今已昏畢率新婦
見餘辭如祭式俯伏興退立於東婦進當中階下
北面再拜興復位主人復位及主婦以下行再拜
禮畢納主徹退若同居有尊者婦見如見舅姑禮
見夫之伯叔母與見姑同答以肅拜見娣姒小姑

以夫之齒序拜皆答拜夫兄弟之子若女婦受拜
答以肅拜

右廟見

廟見之明日昏者以贅視分所應用往見婦之父母主

人迎於門外揖讓入升堂奠贅壻北面再拜主人
西面答拜請見主婦主婦立於門內壻立於門外
再拜主婦門內答拜出主人醴以一獻之禮

右壻見婦父母

士昏禮

八品以下官同

納采諏日具書媒氏告於女家主

人使子弟一人為介奉書如女氏女氏主人出迎

賓揖讓入門升堂賓東面致詞奉書主人西面受

書再拜賓避拜請退俟命主人使子弟待賓以書

入告於寢如儀具復書出授賓賓受書主人布席

禮賓畢賓揖辭主人送之如初介還復命主人拜

受書禮介行家人禮諏日納幣具書備禮物章服

一稱

八品以下官如士視九品

布帛合五兩容飾八事食品

六器媒氏告於女家主人遣使奉書物行禮女家受禮告寢復書禮賓賓復主人均如納采昏有日主人備醵酒書昏期於東使媒氏奉如女家告女氏主人報東授媒氏復昏前一日女家使人以奩具張陳壻室至日壻家筵於室中位東西面別以案陳合卺器設醺爵於堂東初昏壻攝公服族於堂下壻馬一乘二燭前馬婦輿一乘檐蓋前飾綵絹二族於門外主人盛服醺子於堂東命之迎壻

出乘馬如女家雁及婦輿從其日女氏主人告於
寢如儀畢主人位內堂東主婦位內堂西父醮女
如壻儀壻至女家門外主人出迎壻執雁從入主
人東階上西面壻西階上北面奠雁再拜主人不
答拜姆加女景蓋首出壻揖之降主人不降送姆
導女升輿女家亦以二燭前輿壻乘馬先俟於門
婦至降輿壻導婦入室踰闥媵布壻席於東御布
婦席於西壻婦交拜訖姆脫婦景壻揖婦即席壻

東婦西坐行合卺禮厥明婦夙興俟見舅位堂東
姑位堂西皆南向婦以贄見於舅姑再拜舅姑受
贄婦具酒饌行盥饋禮舅姑就位婦奉饌舅姑卒
食一醕婦再拜送酒舅姑卒飲共饗婦於阼階及饗
婦送者均與官員禮同三日婦見祖禰於寢陳設
如薦儀主人在東昏者從主婦在西婦從叅神再
拜主人升詣香案前上香奠酒告畢俯伏興退立
於東婦進當中闌再拜興復位主人復位及主婦

以下皆再拜興禮畢退見祖禰之明日壻以贄見婦之父母迎入奠贄再拜主人答拜見主婦壻拜於寢門外主婦答拜於門內出主人醴壻皆如儀

右士昏

庶人昏禮納采諏日書昏者生年月日以授媒氏奉如女家女氏主人受書告於寢書女為誰氏出及生年月日授媒氏道遠具饌近則否媒氏復命主人禮之納幣備禮物服一稱用帛無章布五兩

容飾六事或四事食品四器媒氏奉如女家女氏
主人受之饗媒氏復命如納采禮昏有期備鵲書
昏期於東使媒氏奉如女家告女氏主人許使媒氏
氏復昏前一日女家使人以奩具陳於壻室至日
壻家筵於室中東西為位別以案陳合卺器設醺
爵於廳事東序初昏壻盛服俟於階下壻馬一乘
二燭前馬婦輿一乘檐蓋無飾俟於門外主人盛
服至廳事東位西面壻升主人醺之命之迎壻再

拜出乘馬如女家雁及婦與從其日女家告於寢
醮女以竢壻既至主人出迎於門外導入壻執雁
從入升堂主人東階上壻西階上北面奠雁再拜
姆加女景蓋首出壻揖之降婦從降姆以女登輿
二燭前輿壻乘先俟於門婦至降輿壻揖入室踰
闥布席壻婦交拜訖姆脫婦景壻揖婦就位坐壻
東婦西行合卺禮婦夙興盛服以贊見舅姑於堂
拜獻如禮饋酒食於舅姑舅姑饗婦及婦送者三

日婦見祖禰於寢如常薦禮明日壻往見婦之父
母婦父設酒食禮壻如儀

右庶人昏

欽定大清通禮卷二十四

欽定四庫全書

欽定大清通禮卷二十五

嘉禮

冊立

皇后之禮

制下禮部尚書一人赴內閣承

制乃諏吉以

聞徧布諸司供備豫期禮部工部官會製

冊寶於內務府恭送內閣鑄

冊文

寶文內閣大學士學士禮部工部尚書侍郎朝服行禮

如儀

詳尊崇禮

右諏日具冊寶

屆期禮部奏請

命大學士充

冊立使尚書充副使

右命使

前一日遣官各一人祇告

天

地

太廟後殿

奉先殿如常儀

右祇告

至日五鼓所司詣

太和殿中設一案東西肆左右各設一案均南北肆
設龍亭二於內閣門外鑾儀衛陳

法駕鹵簿仗馬步輦五輅馴象鼓吹常朝象樂部和聲
署陳樂懸各依常次王公文武百官記注糾儀執
事各官朝服陪位如常儀漏未盡工部官以

節送內閣內閣禮部官自內閣奉

金冊

金寶及宣讀

冊文

寶文各陳於亭內禮部侍郎奉

節鑾儀校昇亭禮部官十人前引導以繖仗由中路降

升至

太和殿階下亭止導引官皆止內閣禮部官奉

金冊

金寶隨

節升中階入

殿中門陳

節中案陳

冊左案陳

寶右案退鑾儀校廻亭南向質明冊使副使祇俟於丹
墀東鹵簿之南大學士一人立殿東檐下西面宣
制鴻臚寺官一人立大學士後舉冊寶案內閣禮
部官分立東西檐下東西面均朝服欽天監官報
吉時已屆禮部尚書侍郎詣

乾清門奏時遂前導

駕

皇帝禮服乘輿出宮前引後扈如常儀

午門鳴鐘鼓至

太和殿後階降輿入工舉麾鼓祝中和韶樂作奏隆

平之章

樂辭見常朝儀後仿此

皇帝陞座工偃麾戛敔樂止

中和韶樂以舉麾鼓祝鑾作偃麾戛敔止後同

儀衛官贊鳴鞭丹墀內三鳴鞭戲竹交

丹陛樂作止皆以戲

竹交為節丹陛大樂作奏慶平之章鴻臚寺鳴贊官贊

齊班序班引正副使就丹墀東班拜位立北面西
上贊進少進贊跪叩興行三跪九叩禮興樂止序
班引正副使升東階至丹陛北面立鳴贊官贊有
制正副使跪宣制官進至

殿中門之左宣

制曰某年月日冊立某妃某氏為皇后命卿等持節行

禮如
奉

皇太后懿旨則曰欽奉

宣畢大學士進

殿左門詣中案奉

節由中門闌左出至丹陛以

節授正使正使受

節偕副使興內閣禮部官進

殿左右門舉

冊寶案出中門正使持

節前行副使從以次降中階內閣禮部官奉

冊寶設龍亭內鑾儀校舁行導引如初由

太和門出

皇帝賜王公大臣茶如常儀畢

皇帝降座鳴鞭如初中和韶樂作奏顯平之章

皇帝還宮樂止王公百官咸退

右臨軒遣使

是日內鑾儀衛陳

儀駕鹵簿於

皇后宮階下及宮門外

詳見三大節儀

內監設丹陛樂於

宮門內設節案一於

宮內正中南為香案均東西肆設冊寶案於東西各

一均南北肆設

皇后拜位於香案前北向女官四人立拜位左右東西

面宣讀女官二人立東案之南西面宮殿監率內

鑾儀校豫候於

景運門冊使既受

命出由

協和門至

景運門外西面立正使奉

節授內監內監持

節內鑾儀校接昇

冊寶亭至

皇后宫門外亭止內監奉

冊寶詣

皇后宮

皇后具禮服出內宮丹陛樂作贊引女官二人引

皇后迎於宮門內道右候過隨行入宮內監奉

節陳於中案奉

金冊

冊文

金寶

寶文陳於東案退贊引女官引

皇后就拜位北向立樂止贊跪

皇后跪贊宣

冊宣冊女官就案奉宣讀

冊文西面立宣畢授侍右女官女官跪接贊受

冊女官以

冊奉

皇后

皇后受冊授侍左女官女官跪接奉以興陳於西案次

宣

寶受

寶亦如之樂作

皇后行六肅三跪三拜禮畢少退東向立樂止內監進

至中案奉

節出贊引女官引

皇后送於宮門內道右候過還宮內監奉

節至

景運門授冊使正使持

節副使從詣

後左門復

命

冊立禮成還

節有司各退

右受冊

翼日

皇帝率羣臣詣

皇太后宮行禮乃

御太和殿受賀如三大節之儀

頒詔宣示天下

頒詔儀詳

皇后詣

皇太后宮行禮詣

皇帝前行禮

妃

嬪公主福晉命婦詣

皇后宮行禮均如三大節儀

右禮成朝賀

欽定大清通禮卷二十五

欽定四庫全書

欽定大清通禮卷二十六

嘉禮

冊封

皇貴妃之禮

命下禮部諏吉以

聞乃徧布諸司供備豫期工部製

冊禮部製

寶均以金送內閣鐫字行禮如儀

右諏日具冊寶

屆期禮部奏請

命大學士尚書一人充

冊封使侍郎內閣學士一人充副使

右命使

先一日遣官各一人祇告

太廟後殿

奉先殿如常儀

右祇告

至日五鼓禮部鴻臚寺官設節案冊寶案於

太和殿內鑾儀衛官設采亭於內閣門外內閣禮部

官奉

節

冊寶出陳於亭內鑾儀校舁行導以繖仗禮部官前引

詣

太和殿及階亭止奉

冊寶隨

節以升設於

殿內各案質明大學士一人朝服立節案之東封使
朝服立丹墀之東均西面欽天監官報吉時已屆
正使由東階升副使從至丹陛左北面跪大學士
詣案奉

節由

殿中門出授正使正使受

節偕副使興所司舉

冊寶案從降中階仍設亭內導引如初以次詣

皇貴妃宮

右遣使發冊

是日內鑾儀衛設

皇貴妃儀仗於本宮門外明黃曲蓋一拂二鑪盒盆

盂各一餅二皆黃金質黃几倚各一節二明黃色紅色黑

色花繖六紅黑二色瑞草繖四雉羽扇四金黃紅
黑三色素扇鳳旗紅黑二色素旗各二卧瓜立瓜
吾仗各四明黃色翟輿一輿一車一凡擎執輿尉
皆內鑾儀校充內監設節案香案於宮內正中東
西肆設冊寶案於東西均南北肆封使既受

命由

協和門至

景運門外正使西面授

節內監內監奉

節昇

冊寶亭至宮門奉

冊寶隨

節詣

皇貴妃宮

皇貴妃禮服出迎於宮門內道右立候過內監奉

節

冊寶陳於各案退

皇貴妃就拜位北面跪女官宣讀

冊文

寶文

皇貴妃恭受

冊寶行六肅三跪三拜禮畢送

節於宮門內道右均如

皇后受冊之儀內監持

節至

景運門授正使正使持

節副使從詣

後左門復

命

冊封禮成還

節有司各退

右受冊

翼日

皇貴妃詣

皇太后宮行六肅三跪三拜禮乃詣

皇帝前行禮

皇后前行禮並如儀

右禮成朝見

冊封

貴妃之禮

命下所司供備製

冊寶既諏吉奏請

命使遣官祇告

太廟後殿

奉先殿至日遣使發

冊並如

冊封

皇貴妃之儀是日內鑾儀衛設

貴妃儀仗於本宮門外金黃曲蓋一拂二鑪盒盆盃
各一鉞二金錯黃几倚各一節二金黃紅黑三色花
繖六紅黑二色瑞草繖四雉羽扇四鳳旗四卧瓜
立瓜吾仗各二金黃色翟輿一輿一車一凡擎執
輿尉皆內鑾儀校充餘宮內陳設宣

冊寶受

冊寶及朝見儀注與

皇貴妃禮同

右冊封貴妃

冊妃之禮

命下備

冊印奏請

命使祇告

太廟後殿

奉先殿至日遣使發

冊儀與

冊封

貴妃同是日內鑾儀衛設

妃采仗於本宮門外金黃曲蓋一拂二鑪盒盆盂各

一餅二皆白金質几倚各一節二金黃色素繖二紅黑

二色花繖四素扇四鳳旗四卧瓜立瓜吾仗各二

金黃色翟輿一輿一車一凡擎執輿尉皆內鑾儀

校充餘宮內陳設宣

冊印受

冊印及朝見儀注均與

貴妃禮同

右冊妃

冊嬪之禮

命下備

制冊奏請

命使至日發

冊印不設儀與

冊妃同是日內鑾儀衛設

嬪采仗於本宮門外紅曲蓋一鑪盒盆盂各一餅二

皆白金質几倚各一節二金黃色紅色花繖各二紅色

素扇二鳳旗二金黃輿二車一凡擎執輿尉皆內

鑾衛校充餘宮內陳設

不設印案宣

冊受

冊暨朝見儀注均與

妃禮同

右冊

欽定大清通禮卷二十六

欽定四庫全書

欽定大清通禮卷二十七

嘉禮

冊封親王世子郡王之禮

命下禮工二部製親王及世子

冊寶以金郡王

冊印銀質金飾

若嗣封王注名於冊寶印世相傳授

豫期禮部諏吉

奏請

命內大臣散秩大臣一人為使內閣學士翰林院學士
禮部侍郎一人副之屆日鴻臚寺官設案於

太和殿丹陛正中東西肆王府官備鼓吹一部於長

安門外鑾儀衛設采亭於禮部堂上儀制司官陳

節

冊寶印於亭內校尉舁亭由東長安門入至

太和殿階下亭止奉

節升階陳於案封使及執事官朝服竚於丹墀禮部侍

郎升東階就節案左立封使升東階詣案前北面
西上侍郎舉

節西面授正使正使持

節偕副使降階鑾儀校舁采亭從導以御仗出

太和中門至長安門外封使及執事官咸乘馬鼓吹
前導詣王邸第

右遣封使

是日府屬官豫設節案於府堂內正中前設香案

左設冊寶案皆東西肆設樂於儀門內設儀仗於
庭中繡花曲蓋一銷金繖二繡花繖二繡花扇二
皆紅色孔雀扇二青色立瓜卧瓜骨朵吾仗各曰
薰四旗十大刀二豹尾槍二明輿一乘馬六世子減繡
花繖二立瓜卧瓜骨朵吾仗薰旗豹尾槍各二加
紅繖一郡王復減紅繖一大刀二餘均與親王同
東西分列封使及府門下馬正使持

節前行府屬引贊引王朝服迎於大門外道右跪候過
興隨入樂止副使奉

制冊禮部官奉寶印隨

節升自中階陳

節於堂內中案陳

冊寶印於左案就立案東宣冊官禮部官立封使後均
西面引贊引王升西階就堂內北面立樂作贊行
三跪九叩禮興樂止進至香案前跪禮部官詣冊
案展

制冊宣冊官西面宣讀訖以

制冊授正使正使授王王祇受轉授從官從官跪接興
復於案宣讀官宣寶印副使授王如受

冊儀封使皆復位立王退至拜位樂作行禮如初禮畢
樂止王出大門外道右立正使奉

節出副使及執事官從至門外王跪送

節候過興退封使回還

節有司皆退

右封親王世子郡王

冊封長子貝勒貝子之禮

命下工部製

制冊以紙為之中書科中書繕文訖送禮部既有日禮部奏

請

命內閣侍讀學士侍讀翰林院侍讀學士侍講學士侍
讀侍講一人為使禮部郎中員外郎主事一人副
之屆日鴻臚寺官設案於

太和殿階下正中禮部儀制司官奉

節

冊於米亭鑾儀校舁行入至

殿階下陳

節於案陳采亭於案左封使及執事官入竢丹墀禮部

侍郎就節案左立封使詣案前北面侍郎舉

節西面授正使正使持

節鑾儀校舁亭導以御仗副使及執事官從出

太和中門至長安門外乘馬詣府第如諸王之儀是

日府屬官設樂於儀門內設儀仗於庭中銷金繖
二繡花扇二立瓜卧瓜骨朶吾仗各二燾一旗六
明輿一乘馬六

貝子減銷金繖
一卧瓜馬餘同

東西分列長子貝

勒貝子迎

節冊受

冊送

節均如諸王之儀

右封長子貝勒貝子

冊封公主之禮

命下工部製

冊以金鐫字送禮部禮部諏吉奏請

命使持

節往封如親王之儀

右遣封使

是日府屬官豫設節案於公主府堂內正中前設
香案左設冊案皆東西肆設樂於儀門內設儀仗

於庭中曲蓋一紅寶花繖二孔雀扇二青花扇二

立瓜卧瓜骨朶吾仗各二纛二車一乘

和碩公主減青花扇

餘同東西分列封使及府門下馬正使持

節入采亭從公主禮服率侍女迎於儀門內道右跪候
過興副使奉

冊隨

節升自中階以

節

冊陳於堂內各案就案東立宣冊官禮部官立封使後
均西面侍女引公主由西階升詣堂中北面立樂
作行六肅三跪三拜禮興樂止進至香案前跪禮
部官詣冊案展

制冊宣冊官西面宣讀訖以

制冊授副使副使西面授內監內監跪接授侍女侍女
跪授公主公主祇受仍授侍女接以興復於案公
主興退就拜位樂作行禮如初禮畢樂止侍女引

退正使奉

節出副使及執事官從公主跪送

節於儀門內如初迎禮封使回還

節有司皆退

右封公主

冊封福晉夫人之禮間五歲禮部彙疏請封所司製

冊親王福晉世子福晉金冊郡王福晉銀質金飾貝勒貝子夫人紙冊送禮部禮部奏請

命使視親王郡王貝勒貝子是日鴻臚寺官設案於

太和殿階下禮部官奉

節

冊

節冊視景封人為數

於采亭鑾儀校舁行入至

殿階下陳

節於案陳亭於案左各府屬官備鼓吹於長安門外封

使及執事官朝服入堦丹墀禮部侍郎率屬立節

案左封使詣案前禮部官奉各

節授正使鑾儀校舁亭副使及執事官從出

太和中門至長安門外乘馬鼓吹前導詣各府第各

府設樂於門內設儀仗於庭中曲蓋一紅寶花繖

二孔雀扇二青寶花扇二立瓜卧瓜骨朵吾仗纛

各二車一乘

世子福晉減寶花扇郡王福晉復減曲蓋卧瓜貝勒夫人復減寶花繖一

骨朵纛餘與親王福晉同貝子夫人不設儀仗東西分列迎

節冊受

冊送

節均如諸公主之儀

右封福晉夫人

凡封郡主縣主郡君之禮間五歲由部彙請遣使
往封均用紙冊郡主儀仗視郡王福晉縣主郡君
視貝勒貝子夫人餘儀同前

右封郡主縣主郡君

欽定大清通禮卷二十七